

آبونه شرائطی

ممالک عثمانیه ده سنه لکی (۶۰)، آلتی
آیلنی (۳۰) غروشدر .
ممالک اجنبیه ده سنه لکی (۱۷)، آلتی
آیلنی (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشیندر .

مسلكه موافق آثار مع المنونیه قبول
اولنور . درج ایدله یین یازیلر اطاده
اولونماز .

الکلیت

۱۳۳۳

دینی ، فلسفی ، علمی ، ادبی هفته لاق مجموعه اسلامیه در .

صاحب و مدیر مسئول

باش محرر

والله یهدی من یشاء الی صراط مستقیم

اشرف ادیب

محمد عاکف

اتبعون اهدکم سبیل الرشاد

فی الصبیحین = سزه بر امرده بولندیغمده کوچکز یتدیکی قدر ایفا ایدیکز . « بیوریورلر . فقط هیج یوقدن عجز کوستریلیر، یاخود خیانت ارتکاب ایدیلیر ایسه مرتکبی مطلقاً عقوبت ایلیدر .

الحاصل هر حالده بر مأموریت ایچون « أصحح » اولان مطلقاً بیلملی در . چونکه اداره نك ایکی اساسی واردر : ۱) قوت ، ۲) امانت . قرآن کریم بو ایکی اساسی « ان خیر من استأجرت القوی الامین = اجرته طوئدیفنک الک خیرلیسی قوی وامین اولانی در . » آیت کریمه سنده بیان بو یور یور . كذلك عزیز مصر لسانندن حضرت یوسف علیه السلامه « انک الیوم لدینا مکین أمین = سن بوکون بزم نزد مزده مکین وامینسک » ، حضرت جبرائیلک وصفنده « انه لقول رسول کریم، ذی قوه عند ذی العرش مکین، مضاعف امین » بیوریور . هر اداره کوره قوت واردر . اداره حریبه ده قوت : شجاعت قلب ، تجربه دیده لک ، مخادعه یعنی پلان (چونکه حرب خدعه در) ، محاربه نك هر نوعده قدرت ورسوخدر . جناب حق بیوریورکه « واعدوا لهم ما استطعتم من قوه ومن رباط الخیل . » علیه الصلاة والسلام افندیزمده « ارموا وارکبوا وأن ترموا احب الی من أن ترکبوا ومن تعلم الرمی ثم نسبه فلیس منا وفي رواية فیها نعمة جدها . رواه مسلم = اوق آنکز ، حیوانه بینکز . آییغکنز نجھ بینجیلککزدن دها خبرلی در . کیم اوق آتمه بی اوکره نیرده صوکر او نو توره بزدن دکدر . « بیوریورلر .

بین الناس حکم ایتمکده قوت : کتاب وسنتک دلالت ایتدیکی عدالتی بیلیمک ، احکامی اجرا ایتمکده مقتدر اولمقدر . امانت ایسه اللمدن قورقق ، پاره به مقابل آیات یناتی صاتمماق ، انسانلردن قورققا . مقله قائمدر . بواوچ صفت جناب حقک « فلا تخشوا الناس واخشون ولا تشتروا بآتی ثمناً قليلاً = انسانلردن قورقايکنز ، بندن قورقوکنز وبنم آیتلرمی ناچیز اولان بدل مقابلنده صاتمماکنز . » آیت کریمه سنده مصرحدر . فرمان سبحانی وجهله حکم ایتمه نر کافر درلر . بوندن طولای علیه الصلاة والسلام افندیزمز بو یور مشلردرکه : « قاضیر اوچدر ، ایکیسی جهنمده ، بری جتنده در . بعض قاضیر واردرکه حتی بیلیرکن خلافنده حکم ویرر ؛ اونلرک مقامی جهنمدر . بعضیسی ده جاهل اولدی بی حالده بین الناس حاکمک یایار ، بونکده جزاسی جهنمدر . بر قسیمی ده حتی بیلیر اوکا کوره حکم ویررکه بونک مقامی جتندر . » بوحدیث شریفی اهل سنن روایت ایتمشدر .

قاضی : کرک خلینه ، کرک سلطان ، کرک نائب ، کرک والی ، کرک شریعت ایله حکم ایتمکده مأمور اوله رق ایکی کشینک دعواسنی فصل ایدنلره ، حتی چو جوقلرک یازیلری حقیقده حکم ویرنلره دینیر . علیه الصلاة والسلام افندیزمک اصحابی بویله دیمشدر . معناده ظاهر در .

اوغلی عبدالله! هر هانکی حال اوزره صاواشیر ویا قتل اولونورسه ک الله سنی او حال اوزره بعث ایدر .
بوحدیث شریف عبدالله بن عمرو رضی الله عنهن مردی اولارق سنن ابن داود ایله حاکم مستدرکنده مذکوردر .

حدیث شریف

ان اقواما بالمدينة خلفنا ما سلكنا شعباً ولا وادياً الا وهم معنا حبسهم العذر .

مآل شریفی

مدینه ده آردمزده قالمش نجھ کیمسه لر واردرکه بز هر هانکی تبه به چیقسه ق ، هر هانکی وادی به اینسه ک بزمه برابر درلر . اونلری کلکدن آیقویان عذر لیدر .
بوحدیث شریفی انس بن مالک رضی الله عنهن بخاری روایت ایدبور .

احمد نعیم

سیاست شرعیه

۲

مصالح امتک اهل کیملردر ؟

برنجی مقاله من لایقوله تدقیق ایدیلنججه ولی الامرک ، مطلقاً موجود اولان مأمورلردن اصلحنی تعیین ایتمی ایجاب ایتدیکی آکلاشیایر . شاید موجود اولان مأمورلر ایچنده بو مأموریت « أصحح » اولان بولمازسه او وقت ولی الامر هر منصبه کوره « افضل » اولانی انتخاب ایتملیدر . بونی اجتهاد تام ایله یایار و مأموریتی حقیقه اهل اولانه تسلیم ایدرایسه امانتی یرینه کتیرمش ، وظیفه سنی ایفا ایتمش و نزد آهیده کی موقعی عدالتشعار ائمه نك موقع مغبوطی اولمش اولور .

فقط بوکا رغماً بعض ایشلر بوزولور ایسه « فاتقوا الله ما استطعتم = اللهم نواهیسنندن کوچکز یتدیکی قدر صاقینکز . » ، « لا یكلف الله نفساً الا وسعها = الله هیج بر کیمسه به وسعنک فوقنده تکلیفده بولونماز » ، ینه جهاد حقیقده « فقاتل فی سبیل الله لانکلف الانفسک وحرص المؤمنین علی القتال = الله بولنده جهاد ایت . سن یالکز نفسندن مسؤلوسک . مؤمنلری جهاده تشویق ایله . » ، « یا ایها الذین آمنوا علیکم انفسکم لا یضرکم من ضل اذا اهتدیتم = باشقه لرینک حسابنی سزدن صورمازلر ؛ سز کندکزه باقکز . . . » آیات کریمه سی موجبجه وظیفه سنی کوچی یتدیکی قدر ایفا ایدن طریق هدایتیه سالک اولمش اولور . علیه الصلاة والسلام افندیزمز « اذا امرتکم بامر فأتوا منه ما استطعتم . » اخرجاه

۳

قوت و امانت

قوت و امانت انساندرده نادرآ برله شیر . بونک ایچون عمر بن الخطاب رضی الله عنه حضرت تری «فاجرك تجلدندن ، صالحك ضعفندن سكا صغیریم اللهم!» ديه دعا ايدرلردی . بناء عليه مصالح امته «اصلح» ی تعیین ایتک ایجاب ایدر . شاید بری دها آمین ، دیکری دها قوی ایکی آدم بولنورسه او مصلحت ایچون دها فائده لی و دها آرز ضرر لی اولان تقدیم ایدیلیر . مثلاً اداره حزبه ده فاجر اولسه بیه شجیع وقوی اولان ، آمین فقط عاجز و ضعیف اولانه تقدیم ایدیلیر .

امام احمد سورولمشکه : غزانی اداره ایتک ایچون ایکی قوماندان بولونسه : بریسی قوی و فاجر ، دیکری ایسه صالح فقط ضعیف اولسه هانکیسی غزایه مأمور ایدیلیر؟ « امام حضرت تری دیمشکه : « فاجر قویک قوتی مسلمانلره ، فجوری ده کنديسنه در . ضعیف صالحک ایسه ضعیف مسلمانلره ، صلاحی کنديسنه در . بناء عليه غزایه قوی فاجر مأمور ایدیلیر . « عليه الصلوة والسلام افندیمز » ان الله يؤيد هذا الدين بالرجل الفاجر وروى باقوام لاخلاق لهم = الله ، بودنی فاجر بر آدم له ده (بر روایت کوره) دیندن نصیبی اولمایان اقوام ایله ده تأیید بویورور .

بویورمشلردر .

شاید قوی اولقله برابر فاجرده اولمزه او وقت کنديسنک او ایشده بری طوته جق دهامتین ، دها صالح رذات بولونمادیقی تقدیرده قوماندان . نلغه اونک تعیین اولادر . عليه الصلوة والسلام افندیمز ، خالد بن الولیدی دین اسلامی قبول ایتدکن صکره محاربه زرده امیر نصب ایدردی . بویورلردی که : « خالد ، اللهم مشرکراوزرینه سل ایتدیکی قبلیدجر . »

حالبوکه خالد بعضاً علیه الصلاة والسلام افندیمز چه خوشه کتیمه بن شیرلی یاباردی . نته کیم خالد ، عليه الصلاة والسلام افندیمز طرفندن جذیمه یه کوندردیکنده اونلری قتل و ماللری برشبه اوزرینه آلدینی ایچون علیه الصلاة والسلام افندیمز اللری سهایه قالدیره رق . « خالدک یابدیغندن سکا برات ایدرم اللهم ! » ديه دعا بیورمشلردر . خالدک بو یابدینی جائز ده کلدی ، معیتده کی ذواتدن بعضلری بوکا اعتراض ایتمشلر ایدی . حتی بونک اوزرینه علیه الصلاة والسلام افندیمز ده جذیمه یه دیت ویردی و ماللری تضمین ایتدی . فقط بونکله برابر محاربه زمانده دائمی خالدی قوماندانلغه ترجیح بویوروردی . چونکه بعض حرکاتی برر صورتله تأویل اولونه بیلن حضرت خالد حرب خصوصنده دیکر لرندن دها لیاقتلی ایدی .

واقعا بوزر رضی الله عنه صدق و امانت نقطه نظرندن دها اصلح ایدی . فقط علیه الصلاة والسلام افندیمز « یا اباذر! سنی ضعیف کوریورم . بیلسین که کندم ایچون آرزو ایتدیکم شیئی سنک ایچون ده ایسترم . سن نه ایکی کیشی اوزرینه امیر اول ، نه ده مال یتیمه متولی . (۱) » بیورورلردی .

[۱] رواه مسلم .

عليه الصلاة والسلام افندیمز ابا ذری ضعفنه بناءً امیر و ولی اولمقندن نهی ایتدی . حالبوکه روایت اولونیورکه علیه الصلاة والسلام افندیمز « ما اظلت الخضراء ولا اقلت الغبراء اصدق لهجة من ابي ذر = بوشیل قبه نك آلتنه ، بوز طویراغک اوستنده ابوزردن طوغرو سوزلو کیمسه یوقدر . » بیورمشلردر .

عليه الصلاة والسلام افندیمز بردفمه ، عمرو بن العاصک اقرباسنک کولکنی المقی ایچون مشارالیهی کنديسندن دها افضل اولانلره ترجیحاً امیر نصب ایتدی . دیکر بردفمه ده باباسنک انتقامنی آلمی ایچون اوغلی اسامة بن زیدی امیر تعیین بویوردی . یعنی بر آدم ، علم و ایمانده کنديسنه فائق اولان دیکر کیمسه لر موجود اولدینی حالده ، بر مصلحت راجحه طولایسیله اولنره تقدیماً استخدام اولنوردی .

عليه الصلاة والسلام افندیمزک خلیفه سی ابوبکر الصدیق رضی الله عنه حضرت تری ده حضرت خالدی - عراق و شام فتحنده کی بعض خطا لرینه رغماً - اهل ارتداد محاربه لرنده قوماندان نصب ایدردی . واقعا او خطا لر قابل تأویل ایدی . آنحق بعضیلری جناب صدیقه خالدک بو خطا لری اغراض مخصوصه نتیجه سی اولدیغی سوبله مشارالیه ده ابوبکر حضرت تری ینه آنی عزل ایتیه رک یالکز عتاب ایله اکتفا بویوردی . چونکه بقاسنده کی مصلحت عزلدن ملحوظ اولان فساده مرجح ایدی ؛ عینی زمانده دیکری آنک براقه جنی بوشلنی طولدیره میه جقدی .

بردستور سیاسیدرکه الکبیوک ولی الامرک اخلاقی ملایم ایسه ا کا سیاست ایده جک رجل حکومتک اخلاقی شدتلی اولسی ایجاب ایدر . نته کیم ، اولی الامرک اخلاقی شدید اولورسه نأبتک ملائمت طرفداری اولسی مقتضای مصلحتدر . چونکه اعتدال و موازنه آنحق بو صورتله محافظه اولونه بیلیر . ایشته بودقیقه سیاسییه رعایه ابوبکر حضرت تری خالدی ، حضرت عمرده ابو عبیده بن الجراحی تعیین ایتدیکی ترجیح ایدردی . چونکه خالد عمر بن الخطاب کی شدتلی ، ابو عبیده ایسه ابوبکر کی حلیم ایدی . هرایکی خلیفه ذیشان تمیننده اصابت و تعادلی محافظه ایتدی . بو صورتله هر کیم تعادلی محافظه ایدرسه علیه الصلاة والسلام افندیمزک خلفاسندن اولمش اولور .

عليه الصلاة والسلام افندیمز بیوردیلرکه : « بن رحمت بیغمبرییم ، بن جهاد بیغمبرییم » ، « بن کوله کوله جهاد ایدرم . » علیه الصلاة والسلام افندیمزک امتی ایسه حال وسطه در . قرآن کریم ، امت محمدیه یی توصیفاً : « اشداء علی الکفار رحماء بینهم تراهم رکعا سجناً یتبعون فضلاً من الله ورضوانا » و « اذلة علی المؤمنین اعزة علی الکافرین » بیورور .

ایشته بو صورتله ابوبکر و عمر « رضی الله عنهما » نك ایکیسی ده مصالح امتی اداره ده کامل ایدیلر . علیه الصلاة والسلام افندیمزک زمان حیاتنده برسنک ملائمتی ، دیکرینک شدتی موازنه یی تأمین ایتدی . علیه الصلاة والسلام افندیمز بو ایکی خلیفه ذیشان حقلرنده « بدنن صکره کله جک ایکی ذاته ،

وسعك فوقته في الحال برأديه طلب ايديلديكي حالمه ينه بورجني
ايفايه چالشمق ؛ عجز سبيله فريضة جهاد ساقط اولديني بروقته ينه
اعداد قوتله جهاده حاضر لائق واجيدر . يالكز حج استطاعتي بويله
دكلدر كه عدمي حالنده آني تحصيل ايتك واجب اولمايور ؛ زيرا اوراده كي
وجوب آنحج استطاعتك كنديسيله تمام اوليور . شيخ الاسلام

ترجمي : عمر رضا احمد ابن تيمية الحراني

مَسَائِلُ

انكليز سياستك سقوط عظيمي

تا بدايت حربده انكليزلر هندستان مسلمانلرينك حسيات دينه لريني
اوقشامق مقصديله نشر ايتدكلري برتبليغ رسميده اسلامك مقدس
ومحترم بلده لرينه قارشى هيچ برحركت حربه ده بولونمايه جقلريني مقام
افنخارده ، زواللي هندلي دينداشلمزده بيلديره رك آنلري افنعا
چاليشدى . في الواقع برقاج آي ده بو صورتله كچدى . لكن ائتلاف مثلثك
هزيمتلى تولى ايدوب طوردى . قهرمان هيدنبورغك روسلره
اينديرديكى ضربه نك استانبول اوزرنده تلافى ايديلسي روسيه نك بك
شدتلى تشبثات واصرارى اوزرينه ، انكليز - فرانسز بحرسفيدونانمارلينه
حواله اولدى .

يكر منجى عصر فينك الك متين ودهاش متحرك قلعه لريله دار الخلافه
قاوسنده مخصاصاته باشلاديلر . انكليز - فرانسز دونانماسي قلعه واستحكاك .
ماتمزي بويوك چاپده كي طويار ينك قوتيله اسكات ايدجكلرينه ذاهب
اوله رق ظفر شللكلريني استانبولده كچيرمك اوزره بولوندقلريني افراده
تفهيم ايدبورلر ، افراد ايسه ويسكي ايله آيستك تاثيريله استانبولده
كچيره جكلري اكانجه لي كيجه لرك نوشين خيالانيله سرمست بولونيورلردى .
غافل انكليزلر ناصيل اولدى ده حسابي ياكليش ياديلر ؟ محافظه كار
ومنفتعلريني ابي حسابلامقه اشهار ايدن انكليزلر ! .. مسلمانلرك او
بي امان مشهور دوستلري ! .. ناصيل اولدى ده بو حسابده ياكيديلر ؟ ..

بوغازلر وازمير مغلوبيتك تاثيراتي يالكز بريتانيا آطه لرينه انحصار
ايمه يور . بو مسلمان مظفريتك هندلي دينداشلمز اوزرنده حصوله
كتيره جكي ممنونيت بخش تاثيرات فوق العاده در . اسلام دوستك (!) بويله
دها برچوق مغلوبيتلره دوچار اولسني بوتون مسلمانلر جناب حقدن
تمنى ايتمكده درلر . بويله مليونلرجه معصوملرك دعالي البتده عندالهيده
مستجاب اولور . معصوملرك حاميسي اللهدر . هندلي دينداشلمز انكليز
عنهات سياسيه سنك نتيجه سي اوله رق بوكون مدافعه نفس ايجون بيله

ابوبكر وعمره اقتدا ايدكلر ! ، بيور مشلردر . ابوبكر الصديق حضرتلري
اهل ارتداد ايله محاربه اناسنده حضرت عمرك وديكر صحابه نك
(رضى الله عنهم اجمعين) شجاعته فائق برشجاعت قابيه كوستردى .
مصالح امتي اداره ده محافظه اموال كي امنيته متوقف خصوصانده
امين اولان تقديم ايديلير . بونك كي بتون مصالح امتده دائما اصالح ترجيح
ايديلير ، بر دانه سي كفايت ايتمزه بردن فضله تعيين ايديلير .

مصالح شرعيه ده ده عالم ، ده متقى ، ده اهليلي اولانلر تقديم
ايديلير . شايد بري ده عالم ، ديكرى ده متقى ايسه احتراصاته مخالفت
ايدجكي وحكمي اظهار ايدم بيله جكي يرلده ده متقى اولان ؛ شبهه
دوشمكدن قورقيه حق ، دقيق حكملر ويلمسي ايجاب ايدم جك يرلده ده
عالم اولان تقديم ايديلير . عليه الصلاة والسلام افنديم برحديث
شريفده بيور مشلركه : « ان الله يحب البصر الناقد عند ورود الشبهات ويحب
العقل عند حلول الشهوات = جناب حق ، شهبه لرك ورودى آننده
حقيقته نفوذ ايدن نظرلري ؛ شهوات نفسانيه نك هجومى زماننده
اراده سنه صاحب اولان عقللري سور . اكر قاضى قوماندان ، ياخود
اهالى طرفندن تايبيد نام ايله مؤيد بوليورسه ده متقى ودها عالم
اولانلر دها اهليلي اولانلره تقديم ايديليرلر . نه وقت مصالح
شرعيه قاضينك عام وتقواسندن زياده قوتنه احتياج كوسترسه
اووقت اهليلي اولان تقديم ايديلير . چونكه على الاطلاق قاضى نك
عالم ، عادل ومقتدر اولسي لازم كنديكى كي ؛ بتون مصالح اسلاميه بي
اله آلانلرك ده بويله اولسي ايجاب ايدر . بو صفتلردن بريسي ناقص
اولنجه درحال بوزوق باش كوسترر . أهليت يا شدت و ترهيب ،
ياخود احسان وترغيب ايله در . في الحقيقه هر ايكيسي ده لازمدر .

بعض علمايه : « شايد فاسق برعالم ايله ديندار برجاهلدين بشقه مصالح
شرعيه تعين ايديله جك آدم بولنمازسه بونلر كه هانكيني تقديم ايديلير ؟ »
ديه صورولمش . جواباً : « اكر فسادك چوزللسندن طولاني دينداره
احتياج دها زياده ايسه ديندار اولان تقديم ايديلير . فقط عوالمك ايجه لي
وحقلرنده لاحق اولان حكملرك خفي اولسي طولانيسيله عالمه احتياج
چوق ايسه عالم اولان تقديم ايديلير . » ديمشلر . اكر علماء ديندار اولاني
تقديم ايدرلر . زيرا ائمه ولى الامر ك مطلقا عادل وشهادته اهل اولسي
لزومنده متفق اولدقلري حالمه علم خصوصانده - يعنى ولى الامر ك
مطلقا مجتهد اولماسي ايجاب ايدر ، يوقسه مقلد اولسي جائزيدر ؟
ياخود اصالح موجودى اولميدر ؟ حقنده - اختلاف ايتملردر .

فقط هر حالده ممكن اولديني قدر - ديكر بر يره تفصيلاً بيان
ايديله جكي اوزره اوج قوله كوره - « افضل » ك تعين ايدلسي ايجاب
ايدر . عندالضرورة اهل اولسان ، اكر موجود اولانلرك اصلحي
ايسه تعيني جائزدر . بونكه برابر ولايت و امارت خصوصانده خلقك
مستغنى اولمايه جقلري شيلر تماماً وكاملاً . وجود اولونجه به قدر احوالى
اصلاح ايتلى . نته كم ضرورت حالنده بولونان بر آدم ايجون كنديسندن